


子血氏宗譜

丁字號
卷之二






栝松鬢源孟氏宗譜卷之二

義例

古人作譜皆有義例義例者何義以起例也義者宜也禮所生也例者比也類也國有史家有譜姓氏類本紀繫世類世表義例類八書家傳類世家外傳類列傳皆以義起也以義爲例則奉爲圭臬似難易矣然制度莫善於三代尙有損益有與古今異宜者禮在人心協於義乃慊於心矣舊譜有未善處少爲更



丁字二卷

3

易作義例二十六條後人倘有宜因宜革尙望賢者
裁之以義

一通歷溯帝王五運歷年記人皇之後有五姓四姓七
姓十二姓疑起此至太昊始曰庖犧氏風姓易類
是謀曰黃帝吹律定姓疑姓自太昊始而黃帝定姓
者因生賜姓之始也左氏傳曰天子建德因生賜姓
胙之土而命之氏諸侯以字爲諡因以爲族官有世
功則有官族邑亦如之是姓則賜之自上而氏則世

家右族自別之也鄭簡端曰姓與氏異姓本也氏支也如稱周王則曰姬姓不得曰姬氏稱四岳則曰許氏不得曰許姓按姓者所以統系百世使不別也氏者所以別子孫所自出也如魯衛毛聃邗晉應韓之別於姬也柳芳曰氏於國則齊魯秦吳氏於諡則文武成宣氏於官則司馬司徒氏於爵則王孫公孫氏於居則東門北郭氏於志則三馬五鹿氏於事巫則

乙

風俗通
乞作卜

匠陶氏於字

姓譜字
作次

則諡孫叔孫孟氏出自

魯莊公弟慶父慶父之後爲仲孫氏蓋以莊公爲孟也禮庶子不敢祖諸侯故仲孫亦稱孟又禮緯嫡長曰伯庶長曰孟此吾孟氏之所由起也

一弇州卮言謂族別而爲姓姓別而爲望望別而爲房

望者俗所爲郡也

故姓多則訛其族望多則訛其姓房多則訛

其望如劉氏一族自堯陶唐氏至秦爲劉氏而其姓有六媯氏一族自舜別爲姚氏至齊王建之子別爲王氏而其姓有四是姓多而訛其族杜氏一姓而五

望張氏一姓而十望是望多而訛其姓清河崔氏一

望而三房博望崔氏一望而四房趙郡李氏一望而

六房隴西李氏一望而四房是房多而訛其望孟氏

出自山東兗州府鄒縣富村 亞聖公三十八世孫

諱琳諡烈成公唐太和間遷檀溪至南宋諱

世醴號東瀛公由淳熙進士秘書郎遷太常卿改任松

陽王簿留居鬢源三世祖 武信公 武立公赴檀

溪追溯世系繕寫譜牒迄十七世祖素先公赴鄒魯

33

敬謁鄒廟續嶧山等圖支派分明絕無舛訛族之披
覽者須知幸續大賢之裔孝悌仁義恪守先訓毋詒
柳玘之譏慎旃勉旃

一古者天子有帝繫諸侯有世本所以別親疎敘昭穆
辨同異姓及庶姓也商祖契周祖稷此定其繫之所
從出也秦伯之後爲吳胡滿之後爲陳此定其世之
所自來也太史公作史記採國語世本之書是漢時
猶存若卿大夫士庶人則氏族志小史之所掌者也

一三代之上族以氏重漢唐之間族以望重古之世家
有采邑者也孟子之所謂巨室詩之所謂大宗也周
禮小宰以九兩繫民其三曰宗以族得民者此也唐
太宗詔天下譜牒退新門進舊望左膏梁右寒微合
一百九十三姓千六百五十一家宋以後則人家自
爲之廬陵歐陽氏眉山蘇氏各有譜式蘇氏則由親
及疎有類禮家之宗圖歐陽氏則異世經之同世緯
之取法史氏之年譜今遵歐式以五世爲一圖假如

初圖自一世以至五世次圖自六世以至十世緣督
爲經本支百世雖歷千世皆有條而不紊也圖滿五
世之下有後者則書提字下圖再續或無後或遷某
處皆詳書之不復見於下圖矣

一宋時重譜牒公卿士庶必令有文學者一人以掌一
族之事月月登記須實而不謬不得以私意行乎其
間故每月朔日有續譜之盟每歲正月有讀譜之義
每三十年大會族眾有修譜之制蓋父子相繼爲一

世三十年亦爲一世故修譜不可踰三十年也吾族
修譜相隔久遠雖有行第而行位未排自今後每歲
正月初一上新丁須載所生年月日時使後世可排
位次也

一潛室陳氏曰宗法爲諸子之庶子而設恐其後流派
寢多姓氏紛錯易至淆亂故於源頭有大宗以統之
使人同知尊祖分派有小宗以統之使人各知敬宗
又始封之君其嫡襲封則庶子爲大夫大夫不得以

祖諸侯故自別爲大夫之祖所謂別子爲祖也別子
之嫡子則爲大宗使繼其祖之所自出直下嫡子世
爲大宗合族同宗之所謂繼別爲宗也別子之庶子
又不得以禰別子待其子繼之而常別爲禰繼禰者
遂爲小宗凡小宗之嫡子服屬未盡爲小宗凡小宗
之庶子又別爲禰而其嫡子又各爲小宗兄弟同宗
之所謂繼禰者爲小宗也大宗是始祖正派下雖其
後支分派別皆同宗之合族俱服齊衰九月是爲百

世不遷之宗如繼禰者親兄弟宗之爲之服期繼祖者則從兄弟宗之爲之服大功繼曾祖者再從堂兄弟宗之爲之服小功繼高祖者三從兄弟宗之爲之服緦麻自此之後代禴一代是爲五世則遷之宗大宗所以統其宗族凡族中有大事當問諸大宗而後行小宗所以統其兄弟同禰者有大事則同禰之兄弟當問諸繼禰之小宗而後行一族之中大宗只一人小宗儘多故一人之身從下數至始祖大宗惟一

數至高祖小宗則四此古者宗族之法使人靄然有
恩以相接秩然有分以相聯也故作譜者以明宗法
爲重

一家規之得失首在於譜之當否故五世一圖其右書
名非犯諱也以對始祖之稱也分註其字許之也註
行別昭穆也註號美之也註出處分貴賤也註生卒
別長幼而記享年也註配重嫡也註娶辨其再醮之
婦也有配娶之後不存其姓氏生卒者又辨其改適

與出歸也註葬示後人之識認祭掃也註女於後明
其女生向外也註婿聯親戚也爲僧道者不入譜惡
背本也有遠出不歸者卽於本名下書以遠出冀其
回宗也從幼出養於異姓者仍存其名又小註其從
某姓不忍輕棄也此譜例之詳畧所以定時宜而無
私也

一人倫始自夫婦書名之下卽書婚配配室女書配定
書聘嫁女書適并書氏地官爵如書配某地某官女

女適某地某官子也如娶改適婦書娶只書某氏不
書某地明其不自父家來也或生子改適者只書其
姓氏不載生終以其終非吾家也然查舊譜多有生
終缺者此係失傳不可概論嗣後當慎書之

一書子嗣不論嫡庶概書之以著代也正嫡生者則書
正嫡之後繼配生者則書繼配之後側庶生者則書
側庶之後若立嫡嗣如正嫡無子而歿以禮聘室女
爲嫡所生子年雖少於庶子必以嫡子爲嗣若分產

則不論嫡庶近有恥爲庶出而附正嫡者悖理之甚也昔漢文帝自謂朕高皇帝側室子也天子且不諱况士民乎

一重昭穆昭明也穆順也父昭則子穆父穆則子昭周廟后稷居中左昭右穆父而子子而孫歷十五世文王穆武王昭今人不知其義以兄弟爲昭穆者謬矣若繼嗣所云昭穆言以姪承繼伯叔不以弟繼兄也此品官士庶之禮若天子諸侯則父子相繼曰世兄

終第及曰及商多及周多世是謂繼統非繼嗣也凡繼嗣不合昭穆者不許

一立繼先由親房次推遠房或繼大宗之後則以小宗之嫡長重祖也亦有立愛之例順人情亦昭

國典也必兩相互見以明接續至於四宗無推昭穆無繼或以血湖抱養之子錄於譜者蓋遵例三歲以下遺棄小兒聽民間撫養卽從其姓之例也故行必加一從字以別之如有可繼之人或愛養異姓爲子斷

不許入譜蓋潛繼異姓人雖不知己則自絕之矣能
逃春秋莒人之論乎

一周禮小史掌邦國之志奠繫世辨昭穆若有事則詔
王之忌諱使無犯焉況子孫命名敢不慎乎舊譜中
祖名有犯

聖諱者今皆易之後來命名當敬避
聖諱細閱家乘敬避祖諱卽不識字者亦必托人查檢再
有犯者卽以不孝治之

一禮記冠而字敬其名也然謂之名字則字必在名之下近人於筆墨間往往以字加於名之上又有稱字爲氏者其亦不悉姓氏名字之義也若後世之郡望似可當氏耳不可以字爲氏

一儀禮賓字冠者曰伯甫某註云仲叔季唯其所當此丈夫之美稱也是賓以美稱稱冠者而冠者不當自稱也今人不知或以字爲甫是人稱己之詞而已自稱之不合之甚者也

一行第以親派爲行者殊失統同之義舊譜中多任意
命名自素先公釐定先世行第下再續三十餘字遵
次取名尊卑昭灼取完再續一世世二世原三武四

福五顯六頊

附普

七元八泰

附齊

九宣

附宏

十賓

附道

十一良

附時

十二大

附載

十三日

附華

十四知

附一

十

五士

附繼

十六家十七修十八廷十九獻續增振起

人文運際景昌懋德重光承恩贊颺國正天順康保
萬方九錫鴻緒衍嗣悠長麟鳳濟美

一禮曰鼎有銘銘者自名也自名以稱揚其先祖之美而名著於後世也又曰銘之義稱美而不稱惡此孝子慈孫之心也李空同曰名實不可無紀子孫而忘其先人非孝也於是倣世家作家傳或有

恩賜宸翰或名公碩儒投贈詩贊皆所以彰潛德發幽光必敬錄之庶免知而弗傳致貽不仁之譏也

一空同李氏譜男女爲二傳晉張林陳夫人亦樹碑表德誠以家之興廢半由婦人知鴻案缺饁之賢可以

範閨幃明義桓貞姜之志足以勵節操列賢孝于外
傳正爲後勸也

一周禮冢人掌公墓之地辨其兆域先王之葬居中以
昭穆爲左右墓大夫掌凡邦墓之地域而爲之圖令
國民族葬掌其禁令使居其中之室以守之卽今墓
屋似也古聖人之於民生則足其衣食而教以仁義
死則辨其地域而守以邱樹有尊卑之分見昭穆之
敘褒崇其功德拜掃以歲時古人所以重首邱不敢

輕去其鄉也。但江北地廣，可以族葬。江南脈微，不可
多窀。然須體同衾同穴之義，不可拘忌形家言。致父
母骸體遠隔，魂魄相離也。雖卒有後先爲子者，務宜
預覓吉壤，雙營壽域，不致臨渴掘井，更不可纍纍挨
附先塋，損己損人，徒取罪戾。慎之慎之。或有他姓垂
涎盜僭子孫，必竭力爭之。昔陳白沙先生鄰人侵其
居址，不與之較，有盜葬其祖壟者，會丁內艱，乃墨衰
赴訴郡縣，事遂寢。此當效法者也。再不宜近墓十丈

內植樹不惟慮後人斫伐震動先靈且樹根入穴爲害不淺尤當謹之

一文中子曰冠禮廢天下無成人矣婚禮廢天下無家道矣喪禮廢天下遺其親矣祭禮廢天下忘其祖矣可見祭與冠婚喪竝重祭重則祭田尤重禮曰有田則祭古者大夫有采邑則有田士以下無之故曰無田今田不井授可以善價得雖無田而有田矣按家禮以現在祭田立約聞官不得典賣誠慎重也吾族

向有祭田輪收辦祭宜善爲保守不可使不肖子孫
侵僭典賣欠租有違訓者以不孝論

一昔范文正公立義田除祭祀外分給族中之貧者義
興徐文靖公置義田二千畝又雲間許光祿東粵李
司勳亦置義田不下三百畝此敬其所尊愛其所親
所以爲孝也吾族亦有撥田入祠助祭者亦有撥田
入房祖派下助祭者今俱刊名入譜以崇義舉然僅
數歲祭修葺祠宇尙無餘資焉能分給族之貧者後

世子孫或有體先人之意倣前賢之制再添撥入祠
庶無告者有告矣

一傳曰唯大宗祭於廟餘皆室祭室祭者祭於家也家
禮之祠堂小宗祠堂是也家禮祠堂圖之前又有家
廟圖大宗祠堂是也此宗法也宗法有大宗有小宗
大宗百世不遷者也卽通族之嫡長子也小宗五世
則遷五世己身以上高曾祖禰也服盡宗遷高祖之
父禰入大宗祠堂故同父嫡長子之家則有禰之祠

堂同祖嫡長孫之家則有祖之祠堂同曾祖嫡長曾
孫之家則有曾祖之祠堂同高祖嫡長元孫之家則
有高祖之祠堂卽家禮所謂凡爲宮室必立祠堂於
正寢之東是也若住屋狹隘及同居一屋者須各立
一潔淨之房如同堂異室之制所謂室祭無所也不
按此義一切神主并幼者竝入大宗祠堂令尊長拜
之安乎不安乎此皆不知宗法故也送龕於祠須照
大宗祠堂法若家祭須照小宗祠堂法

一冬至祭始祖立春祭先祖此程子於四時之祭外以
義起者也蓋始祖者族之第一祖也冬至一陽之始
故象其類而祭之先祖者始祖以下高祖以上通謂
之先祖立春生物之始故象其類而祭之時祭者乃
四季之仲月或丁或巳日祭之也所謂報本追遠履
春露秋霜而生悽愴怵惕之心者也吾族惟孟春朔
日冬至日祭於大宗祠堂祭時則祭於家若立小宗
祠堂尙望諸後人

一舊譜中載服制圖簡畧不詳今敬刊

欽定儀禮服圖并外戚服制入譜便於查閱一目瞭然


一分遷各祖遷於某地各繪地圖并分遷祖像另提出
附於地圖後總附於

亞聖公烈成公後使閱者知其祖遷某地同濫觴星海
而分流於雷翥龍門耳





一族中凡有勤勞祠事者必於譜內詳載其賢以示勸
也

一凡舊譜中敘文跋語傳贊皆前人心思手澤續次纂
修不可刪漏

一每卷中從一葉起至幾十葉必須挨次計號防後人
抽添之弊







鄒縣

嶧山


嶧山在鄒縣之南嶧縣
之東中繞泗水所謂嶧陽
孤桐泗濱浮磬是也



泗水橋

嶧縣

望嶧樓



望嶧山詩

城上高樓接大荒

柳宗元

忽看青嶂白雲間

陸游

嶧山傳刻典型在

蘇軾

萬丈丹梯尚可攀

杜甫

昔

乾隆四年歲次己未仲春出京道經鄒魯登望嶧樓
集唐宋人句

裔孫修彩題

筆戲宋人詩

神劉四李蘇太古不... 出京遊歷滌習登登...

世


六山詩吟典歷五

萬大撰淋尚何家

賦土高懋蘇大旅

忽春青劍百...


空朝山橋




富

村

圖






富村詩

聖賢鍾毓處人想必瑰異驅車過鄒疆富村饒鬱蔚
孟子故里坊輝耀

宸翰賜憶未生

大賢不過鄉曲地五百名世出地以人傳易又聞曾三遷
未於此習禮天命本性善何況是上智卽近市墓居
豈便不成器地非能囿人人須自惕勵披圖拓見聞
期各高位置十室有忠信斯言載挹味

裔孫修彩題



大德

... ..

...

...


...


...

...

...

孟廟圖





五代祠

孟母廟


樂義亭

尊德亭

亞聖廟

田廩

東廡



謁孟廟詩

關山跋涉自松陽

鄒嶧尋源世澤長

敬謁崇祠窺富美

仰瞻道貌慰羹牆


爲邦有術陳堯舜

援溺多功闢墨楊

孔學昭明傳萬代

尼山俎豆共馨香

裔孫修彩題





鄒國亞聖公像



全蜀藝文志文翁守蜀造講堂作石室中有孔子
坐像其坐歛蹠向後屈膝當前七十二弟子侍於兩
旁此廟像之始也鄒縣亦掘得孟子石像一耳微
損今供奉在孟廟汝南黎少保世序謁孟廟命繪者
對石像臨摹一幅仁壬午在河督黎少保幕瞻拜時
復仿其像今敬列入家乘

道光十二年歲次壬辰菊月

裔孫

居仁

謹誌

魯桓公子長莊公次慶父次叔牙次季友禮庶子不
敢祖諸侯慶父後爲孟孫氏亦稱仲孫慶父生穆伯
敖敖生文伯穀穀生獻于蔑蔑生莊子速速生孝伯
羯羯生僖子攸孟子爲僖子五世孫祖居魯邾徙居
鄒富村母夢神人乘祥雲攀龍鳳自泰山來將止嶧
山凝視久之忽見片雲墜下卽寤時閭巷皆見五色
雲覆孟氏宅而生孟子
三歲喪父配田氏生子名仲子

趙氏從昆弟之說傳譌

享壽八十有四卒時赧王二十六年正月

周之正月夏

之十一月也

十五日冬至鄒人因哭孟子而廢賀冬之

禮遂以成俗今墓在鄒縣四基山

宋元豐六年封鄒國公

宋元豐七年詔配享位次顏子

元至順二年加贈鄒國亞聖公




御贊

3
20

哲人既萎
楊墨昌熾

子輿闢之曰
仁與義

性善獨闡
知言養氣




孟子卷之五

道稱堯舜學屏功利

煌煌七篇竝垂六藝

孔學攸傳禹功作配



康熙廿六年歲次辛酉六月



孟子敘畧

孟子鄒人也魯桓公庶子慶父之後父曰激母氏仇

以周烈王己酉四年四月二日生孟子於坎口三歲

喪父

即藏倉所
謂前喪

母有賢德擇鄰以居斷織以教孟子之

學固受業於子思之門人

孟子書稱引子思不一而足俱非同
時事亦不尊之為夫子所謂予未得

為孔子徒也予
私淑諸人也

抑先得力於其母教歟維時若鄒穆若季

任若曹交或來就正或以幣交或願受業及魯閔一

事穆公聞言而悔過行仁鄒稱大治孟子所以久居

28

鄉里無事他適也迨宋君偃初年號行仁政遂自鄒
如宋與宋大夫戴盈之及游說之士宋牼句踐等相
與晉接者不一而足時滕文爲世子出使於楚往反

皆過宋來見

是時楚都陳宋在楚東北滕又在宋東北之楚過宋本
非迂行況滕人爲宋役則通聘於楚尤當咨會於宋者

故文公往反得見孟子於宋也不然臣子
奉命而出奉命而入敢適他國而見賢乎得與聞性善道一之旨

心悅誠服故於定公之喪孟子已自宋反鄒猶兩使
然友之鄒就問也未幾鄒穆公卒孟子應聘之滕館
於上宮百官總己以聽孟子乃修井地君臣力行遠

方之人皆願爲氓介翁如更方且受業卽許行陳相
輩亦必爲博陳堯舜上下之敘以正之惜乎滕君則
誠賢君也而所與爲善者僅五十里耳而齊又築薛
實逼處此雖在滕君尙宜遷都避之矧孟子年已五
十有志未逮謂能鬱鬱久居此乎值梁惠王南辱之
後卑禮厚幣以招賢者而孟子遂去滕之梁
惠王後元十四年庚
子時梁之所謂大丈夫者惟公孫衍張儀衍儀迭相
故孟子之道不行越在壬寅惠王卒子襄王立孟子

見其不足有爲也而去之乃自范之齊

今東昌府濮州范縣本魏趙齊三國

境孟子去梁之所經也大梁臨淄相距千里故曰千里而見王至齊在周慎靚王齊宣王燕王噲一年孟子時年五十四

未即見王

門人皆以不見諸侯爲問故孟子兩舉齊先公招虞

人事以曉之欲待王之就見也迨齊臣通意宣王

當

儲子

王使瞞之始就見於崇而王弗異也遂退而處

於平陸者有去志也又素與距心有舊故樂與居處

也維時都臣邑宰就正有道者正不乏人而相臣幣

交儀不及物兼金百鎰無處而餽孟子由平陸之齊

殆亦欲從此而告歸乎。迺凶荒一語，君臣皆知其罪。爲發棠藪以賑流民，是言將行其言爲之兆也。故館

於雪宮。

景公館晏子之故宮也。孟子所引皆雪宮之故事。宣王尊禮孟子，不使儕於稷下。故景丑氏以爲王之敬子也。當時辨士如淳于髡

輩見孟子位賓師無責守故以嫂溺手援諷之。

作賓作師，姑就上卿之位，其出弔於

滕者，文公卒也。非大國之君無貴卿，及介往弔之例。

此殆重文公之賢而隆其禮歟。抑舊君有服，孟子欲親往弔以盡存亡始終之義歟。越在甲辰，孟子年五

十有六，母卒於齊。

孟子處齊有憂色，擁楹而嘆。孟母見而解之，惟其在齊故喪於齊也。歸葬於魯。

孟子鄒人也曷不葬鄒而葬魯曰孟子之稱鄒人猶孔子之稱鄒人孔子出宋公族後而生長於鄒故不曰宋人而曰鄒人孟子出魯公族後而生長於

鄒故不曰魯人而曰鄒人其葬必歸魯者猶孔子不葬鄒而葬防背太公子孫葬周之義也夫亦猶行古之道也防本宋邑魯伐宋取之畢夷之子叔奔

魯爲防邑大夫故稱防叔廬墓三年孔子之喪門人廬墓三年孟子猶稱之以告陳相而況於其母乎考孟子三歲喪父母有賢德

挾子以居始舍近墓因喪而舍墓也是則後喪之居固有前喪之敝廬在若質以五世反葬之說又當有先人之敝廬在焉喪畢之

曰正樂正子仕魯之年平公聞孟子之賢固將就見

矣臧倉沮之曰孟子之後喪愈前喪公遂不見於是

不遇於魯而反於齊時燕王噲讓國於子之已三年

矣國內大亂宣王命匡章將五都之兵以伐燕五旬

舉之儲子勸王因而朴之王訪於孟子孟子勸王勿
取王勿聽遂取之若是言不聽計不從而猶不去者

師命方興未可據請故也

師命燕師之命也不曰既而而曰繼而者復至齊後之辭也不然宣王就

見孟子之辭曰今又棄寡人而歸胡為乎又之哉

明年趙召燕公子職於韓立為燕

王將伐齊以救燕

職來自韓韓必與趙同謀矣韓趙救燕則燕必有為之內應者矣故曰多謀

孟子

勸王謀燕眾而置君焉王又弗聽又明年燕立太子

平以為君

是為昭王

宣王曰吾甚慚於孟子陳賈強為辭

說以解之孟子遂致為臣而歸

或云孟子不受兼金在此時誤夫去齊遠行也齊王餽之

有辭矣何今鄒縣在兗州府東五十里滕縣在兗州府東百由晝居休四十里休在滕北十五里在鄒東南約百里孟子

自齊至鄒較近於休乃不居聞宋王偃將行王政其大臣戴鄒而居休者將復之宋也

不勝舉舍士薛居州以爲王傅乃自休復之宋遇宋

輕於石邱宋輕即宋鉞齊宣王好文學游說之士鉞嘗至稷下竊意孟

呼以先生而問之問其何之曰將說秦楚而罷兵也是歲秦大

敗楚於丹陽又敗楚於藍田維時楚割地以和於秦

殆亦由宋輕之說歟告子之見當在孟子去宋時公孫丑設爲當

受祿於居休可見孟子曰齊人有言論齊事也曰無若宋人然時在宋也曰告子先我不動心曰告子未嘗知義其爲去齊在宋與告子辨義之後可知

厥後孟子去宋宋王偃餽金七十自宋過薛薛君文

餽金五十

陳臻章於齊曰前日薛曰今日又先言宋而後言薛者時方由宋之薛也


遂由薛反鄒與

萬章之徒作孟子七篇卒於周赧王二十六年壬申

正月十五日享壽八十有四

皇清五十年

Blank manuscript page with vertical columns and a faint watermark.



烈成公像



皇朝正統宗譜

卷之四

烈成公像贊

三

3

32

形貌堅癯冠裳鮮皦待漏玉階馳神天表屏翰王室
黎民懷保兼總六師策勳賀勞歷膺爵贈誰其能紹
威震朔漠誌書炳耀誼薄雲霄年高德邵噫覩公之
貌究公之心其乃進則衛國以庇民退則修身以樂
道者歟

吳江倪師孟嶧堂拜撰

奉天教命



奉天教命

33

奉

天承運

皇帝制曰邊庭決策折衝著萬
里之才郡邑施仁賑恤活七州
之命爾孟琳屏藩王室戮力疆
場中外具瞻邇遐頌德錫封侯



爵以報爾庸追謚烈成以揚爾
行嗚呼生前心腹重寄身後寵
眷無衰嘉此丹心宜與金湯並
固垂諸青史永偕錫命齊輝欽

哉

制命

唐開成六年三月十三日

之寶



昔禹平水土區畫九州疆土奠麗上與列宿相應人
居其地上之覆幬不知分野下之持載不知沿革亦
猶昧於木本水源而詒忘祖之譏也今將志書分野
沿革錄載使備知居處之本源也

分野

隋書地理志於辰在丑吳越之分野

府志載按天文斗次星紀

舊志載晉天文志自斗十二度至須女七度爲星紀

宋史天文志南星魁也北星杓也石申曰魁第一星主
吳二星主會稽松會稽之支邑也

史記天官書吳之疆候在熒惑占於烏衡熒惑烏衡南
方星也觀斗魁之躔度則邑之休徵咎徵可覘矣

崇正處州府志處州古括蒼地於天文屬揚州斗分爲
牛女之次上直少微星應處士

舊志載按天文星紀在丑而吳越揚州應之松次吳越
乃揚州域也揚州上應星紀祥繫斗牛

沿革

處州郡本禹貢揚州域

春秋戰國時屬越越亡屬楚


秦始皇五年滅楚以其地爲閩中郡

漢初越王之後閩越君瑤率越人從諸侯滅秦又佐漢

擊楚孝惠三年立瑤爲東海王都東甌是爲東甌國

武帝時閩越圍東甌東甌王望率衆降漢帝以其地

還阻難撫徙其民於江淮間其地遂空後遺民始出



36

乃以其地爲洄浦縣屬會稽郡

光武時改章安縣順帝分永寧縣獻帝分松陽縣

三國吳赤烏二年分永寧爲羅陽縣孫亮太平二年兼

屬臨海郡

晉太寧元年又分臨海立永寧郡仍改爲永嘉郡隋開
皇九年迺廢兩郡爲縣分松陽之東鄉置栝蒼縣始
以栝蒼松陽永嘉臨海四縣置處州十二年又改爲
栝州大業元年又以栝州爲永嘉郡

唐武德四年以栝州犯太适名

代宗子德宗名

復爲處州

宋熙寧九年分天下爲十九路以處州屬浙東路元以

處州路爲總管府屬浙東至正戊戌十二月明太祖

親拔婺州遣人以書招致元守帥石抹宜孫不附棄

城遁己亥胡大海領眾擊處州龍泉人胡深輩統鄉

兵附之復改總管府爲處州府領縣七麗水青田縉

雲松陽遂昌龍泉慶元景泰三年麗水青田所轄諸

鄉增置雲和宣平景寧凡十縣

國朝因之松陽縣本西漢洄浦縣地隸會稽東漢爲章安
縣南鄉地獻帝建安八年立爲縣吳太平二年隸臨
海郡晉太康元年隸永嘉郡隋開皇九年廢臨海永
嘉爲兩縣又割松陽之東地定枯蒼縣置處州而縣
隸之唐武德三年改爲松川五年升總管府六年改
都督府八年復廢爲縣景雲二年割縣西地爲遂昌
縣乾元二年割縣南地置龍泉縣五代梁開平四年
吳越錢鏐改爲松陽縣晉天福四年歲旱縣令陳時


禱雨於百仞山白龍見以聞於吳越王元瓘改爲白
龍縣宋咸平二年郡守楊億請復爲松陽縣元相仍
國朝因之舊志云松之山川自天姥中攢爲箬簦山龍鳳
山百聖山穩坑水出焉分爲高翠山在縣西七十里
十二都山高九千丈陟其巔可覽一邑之勝中抽蜿蜒
分爲塔嶺而至內孟水出橫溪卽巖源也出內孟
里餘名塘頭塢 東瀛公之佳城在焉外孟祖脈自
遂昌葉家田聚講分支迎送至金鳴五斗尖起頂至

油蔴塢折而西爲外孟之後龍下股分支自源口迤
邐落田分爲孟庵塔 普三公之塋域若斧焉分爲
新殿墩 大紀公卜牛眠處也後枕禱雨尖前臨大
河右夾橫溪中爲泉莊是泉莊爲鬢源左龍之止處
也


黃

源

吳




39



徐王廟

孟氏宗祠

如音堂



贊源村記

白龍西境山川明媚由舊城西行二十餘里爲內孟
古贊源地也宋淳熙間孟東瀛先生以名儒宰是
邑勤撫字善斷獄邑人誦孟父焉適遇旱魃先生著
芒屨禱雨靈湫途經此地見其峯巒疊出澗泉清冽
中闢奧區徘徊久之解組後遂卜居焉今雲仍繁衍
簪纓鼎盛人以爲循吏之報云

後學俞 颺拜撰

卷之二

人及... 之... 文...

人之... 縣... 道...

此其... 峯... 豐... 出... 臨... 泉... 青... 溪...

備... 孟... 父... 詩... 徵... 賦... 早... 感... 式... 坐... 卷...

孟... 東... 巖... 式... 主... 以... 多... 論... 辛... 景...

自... 嶺... 山... 以... 出... 於... 西... 首... 二... 十... 餘... 里... 為... 內... 孟...

卷之二



覺源孟氏始祖瀛東公像



賦性寬仁政治勤明尊賢禮士克己愛民誠格高穹
禱應甘霖興利除害士女謳吟泉石情癖琴鶴風清
鬢源退處基宇經營螽斯揖揖麟角振振金枝玉葉
百世維新

鹽官許 炯拜贊

敕命舊失

金
隲
圖



寶原正天七

卷之二

金鳥圖

五斗尖



社廟

呂氏墓

其地修禎己業



金塢村記

遂之南鄉與松西接壤松西金塢距鬢源五六里
地高曠林木葱蒨山水環抱遊人至此疑別有一
天也居人皆孟姓多儉樸務芟柞不問外事余嘗
詢之父老知爲孟武信公始居於此其子孫蕃
衍遺俗尤爲近古吁無懷氏之民與葛天氏之民
與

濂水鄭培椿撰

金 鳩 實 之 公 像



神清而秀貌古而壽與木石居與鹿豕友傲雲霞以
怡情遠塵囂而離垢稚川夫婦是耶非叱石初平然
乎否


族孫士梁拜題

𠄎

𠄎

𠄎






卜築高峯亦近城
墉幾家鷄犬白雲中
周遭巒翠隔斷塵紅
有一林梅五株柳七根松
聚族相從一脈情通
超然仙隱之芳踪
著書閉戶採藥扶筇
似闢桃源棲葛嶺
住崆峒

右調行香子

平濂家驪題

古陶白香子

平新卷圖




妙關冰賦對良翁出幽

一願辭嚴賦然斷則之考親深昔閑只并樂林此

關關壘孫自一林對之林古外必 樂林此

小樂高峯次並水對之林古外必 樂林此

行房頊九公像




皇朝通志卷之二十一 益貴且象

四七

興寄烟霞宵無畦畛離垢同稱卧雲自靜可是鹿
門別開幽境地以人傳千年鼎鼎古有任村今推

孟嶺


族孫獻芹拜題




平

廉

圖






禱雨尖

普公祠

平濂村記

距白龍舊城十里許爲外孟古平濂地因明初翼源
孟彥隆公徙居於此易今名公敦厚純龐有盛德
隱居不仕慕平濂平曠枕山面水秀氣盤鬱遠塵氛
爰卜宅爲百世計春原其耳孫也春原古質待
人以誠爰讀書工文詞并善丹青士大夫知名者咸
稱之余家離平濂遠然赴栝必過其境與春原交
又最久因稔知其家世且羨其居之不減王右丞輞

忠房庠生普三公像



50


忠房庠生普三公像

忠房庠生普三公像

普三公傳

公諱繼宗字彥隆行普三明初茂才遷居外孟
之始祖也卓識博覽尤好讀異書善劍術騎射
而處世慈祥絕不露赳赳氣象其志固已遠矣
平濂西枕萬山相傳元末鼎革兵燹之餘盡爲
榛莽中有大蛇百步外能以氣吸人據處食民
畜以肥其身公恆憂難以力爭一日迅雷奮

擊蛇噴霧相薄電霆旋繞不能下然仰而上敵
俯不備人公卽飛鏑飲羽礮亦隨碎其首此
以比董奉之施符救斃晉興郡之巨蛇不較難
乎是夜夢霹靂之神告曰汝存心仁厚今佐汝
誅除妖孽再授汝以墨篆一卷畱心救度功行
圓滿行當復位大羅也昔葉遷韶受雷神墨篆
立能驅祟愈疫殆不誣歟公嗣是廣行拯濟



遠近沾恩及歸道山人思其德卽于外孟村麓
建豐慶菴祀之歷來以疾病禱以亢暘禱無不
立應噫神矣哉吾松固仙真窟宅戴火賣雷靈
踪莫考鄭姑龍母幻跡難尋雖越國公紫府相
望常嗟黃鶴不返而我公精靈矜嚮儂愾可
親拜陳疾痛之下猶彷彿當年父母憂疾時也
噫神矣哉附述

祖德詩一首集文選

遠

祖彌芳多才豐藝文化內輯武節焱逝嗟

嘆元德時方顛沛天地革命草木塗地荆棘成

榛異方殊類蝮蛇綦綦服食咽氣乳血殮膚雜

沓從萃哀此黎元廢已存愛神光耀暉劔宣其


利拜起靈壇雷動颷至雄虺九首宛渾膠盞豐

隆奮椎砰磅訇礧走箭飛鏃中必決眦蝮蛇在



手灑埽羣穢符祥非一藥石針刺舊病有痊
除羣厲桃弧棘矢剛痺必斃悴葉更輝枯條以
肆惠問川流德以普濟靈爲星辰瞻之不墜思
德滋深載挹載味經緯陰陽營宇之制儀型
祖宗卣費錦繪先生遺像琅琅高致望風懷
想泣然流涕俎徹三獻各善其事素風道業奮
乎百世昭穆繁昌慶流來裔

元孫賓洪百拜謹述




裔戚毛文邦頓首拜填諱





舊市圖



56



卯山

城隍廟

太保殿

永寧觀

孟宅

古市記

市以古名誌樸也曷云古以其人有古心俗有古風也鬻源孟氏松之望族其支分居於此業經百餘載故大井頭有孟吳葉莊名三角壇有前街孟續後賓予公遷居是地有後街名皆其族分而類處者也仁義之訓禮樂之教代有傳人相與維持於其間以敦古處以淳風俗良不誣歟

本里任開化縣教諭洪 璵誌

五閣分編

五閣分編

五閣分編


五閣分編

五閣分編


五閣分編

五閣分編

五閣分編



忠房生員賓公予像



56

普三公派下公諱又珙名士生字予賓

有傳

容貌俊偉

襟度軒昂

蜚聲藝苑

著勛戎行


居心仁恕

接物慈祥

福隆德蔭

奕葉流芳

眷弟劉啓儻拜贊



泉

壯

圖



泉

壯

圖

五



禱雨尖

豐慶菴

孟菴塔


荷葉塔

泉莊

下泉莊

普三公塚

社廟



泉莊記

相陰陽觀流泉應一元之運創百世之基非才智之士不克定謀也族叔曾祖迪英公爲下泉莊周氏館甥乾隆十六年擁準比于周塾課暇時環視疆域見荷葉堦隱隱隆隆真龍頓駐下砂作勒馬之雄前帶大河下夾橫溪且運值七赤卽坐兌七而向乾納之甲三以合太極十數揆星爲武曲去竇合二七生成數揆星爲巨門乃嚶嚶焉馮馮焉百堵皆興入此室

358

處受張老之頌禱焉後其姪以滄公亦遷徙是地同
築堰通漑開陌易疇度越中元兩家頗稱富盛設使
株守深山何日得弛許宣平之擔耶余因歎扶輿清
淑之所鍾隨在呈祥此地鄰村星列誰弗至是但忽
而不察鞠爲求牧之場耳嗚呼二公亦人傑也哉

平濂振臺謹誌

忠房耆德迪英公像



39



普七公派士舜公系諱修訓

穆穆伊人琅琅高致克明克哲組織仁義爰定厥祥
啓蕃斯境廣開土宇聯跗齊穎洪由織起瓜瓞斯興
奮乎百世萬祥必臻撫跡懷人瞻彼崇邱有稱疇昔
於今尠儔

集文選

族孫振岳拜贊

忠房耆德以滄公像



卷之二

卷之二

卷之二

①

60

所回

普七公派士舜公系諱廷海

絲蘿欣有託杖履憶追隨高潔岡梧品清癯海鶴姿
行仁期在熟樹德務能滋奕葉開神遠瑤階挺玉枝

姻教姪葉萬春拜贊

